



實政錄

14
514
27

六



44
514
27

重刊風憲約序

風憲約者

中執法甯城呂公觀察三晉時
所與郡國大夫約也編中提刑
之條五十二按察之條二十總
之飭吏治以奠民生要旨如斯
焉已攷之元命苞曰刑者例也



說文曰刀守井也飲者陷井刀以守之割其情也繇天放已還艾服滋長而網滋密焉繁脂秋荼桁楊為市嚮非宅哀矜之衷乃平乃允茹恩于戴盆原情于噬腊鮮不濫矣故曰欽哉惟刑之恤曰治陳於刑而仁行焉則

刑之不可不慎也如此周官以六典簡群吏顯序邦政漢世歲遣使按部州郡舉察治行而又厘功能之詔嚴認舉之坐蓋詳矣乃至神雀五鳳間良吏為盛潁川渤海之倫廉平寬和廩廩德讓君子至今韙焉斯考覈之

風雲錄卷之二
明效已是編凡詮胪列摛事選
言摯明慎之型標循良之鍵昭
哉人牧之端鵠乎寧言三晉博
之方隅銅墨之隘言不易矣不
佞之以

璽書按梁也梁蓋號極救乎異時歲
游侵民委為道瑾噐訟喧囂赭

衣黑幪已虛日間以一二幸民
推埋快不逞邑里為鼎一時長
吏率驚虛聲而邈實意格以漢
京氏之考則惛惛奉職者半計
簿具文者半欺慢避課不在民
者不欺也哀此憚民更生之謂
何不佞蓋恫乎亟取

公已試之約廣之茲土與司土者共之先民有言君子之行政也辟醫師之用藥然藥取其瘳病方不必自己出梁乎猶病者自腠理以至絡節靡不受疇茲約固長桑之上池也寧論方不自己不以藥此瘵民哉唯我守

長丞尉披鏡此書守為吏范亡以拔矧先保嬰之愛亡以砥絲亟烹鮮之理亡以懸筭右閉閤之思廉以砥操慈以緩眈明以照祆慎以止辟刑也如山獄也如火矢心宣猶蘄壽民脉則中土之疾庶其有瘳觀風使入

報且有狀矣語有之曰不習為吏視
已成事又云人顏榮名諸大夫
即希蹤古循吏之業思垂不朽
之名也不佞則手是編與諸大
夫約

萬曆癸巳夏栢人陳登雲書于
澄清署舍

風憲約卷之六

提刑事宜

五十二款

本司執

九重法紀司三晉生靈凡笞杖以上訟不得其
情刑不得其當者皆得提勘平反務俾生
者無覆盆之嘆死者甘伏劍之心方為稱
職昔孔子論德禮刑政猶分本末今德禮
不敢問設以政道之而民不從即用殺吾
猶忍邇來治世只恃齊之以刑四字耳果

風憲約卷三
前
皆道之以政者乎以刑齊之而當其罪即用殺吾猶忍邇來鞠獄只恃嚴加拷掠一法耳果自信無寃民乎夫人情一語之寃不關榮辱猶且裂皆急喉反覆辯白至指天誓日而不肯下况妄加鞭笞誤以徒流甚者鬱九泉不化之氣為千古飲恨之魂乎夫決獄弗慎有司之罪專百十郡邑之刑名而駸然若聾瞽則提刑者非罪之魁耶所有應禁應行事宜願與百執事審圖

肱願與同志者共之耳意激切而語直蘄褊急自慚然明罰勅法責在當司倘不厭煩屑而一涉盼一沉思油然下膏澤以潤蒼赤即有深憾於余余固其之矣仰府州掌印官即將發下書冊通行所屬正佐首領官員一體遵行勿得視為文具抄案依准呈來

山西等處提刑按察司按察使呂 為申
明職掌以肅吏治以奠民生事照得本司
謬膺風紀吏治民生皆有專責顧民生之
未奠有六追呼苦於太濫問斷苦於太淹
擬罪苦於太密追贖苦於太刻拘禁苦於
太易隸卒苦於太縱此六者皆提刑事也
吏治之不肅亦有六虛文日盛而實政亡
厚道日隆而公法廢人事日精而民務踈
頽靡日甚而振舉難憊昧常多而精明少

為家念重而為

國輕此六者皆按察事也本司履任數月本無意於科條邇來審聽諸獄觀察群吏賢者常半質美而意向不殷志確而才識不逮者亦常半下焉者不盡無也賢者嫌於自賢既不肯以所得告友邦友邦亦自賢也而不得聞賢者之告則當告莫若余余豈容終隱默哉昔余為令兩邑才短而心實苦其告百執事者誠非所能亦得之折

焉此豈希王賀陰德避寧成陰譴要以仰體

上帝好生之心將順

聖天子欽恤之意耳

人命十二款

一人命屍親不是父兄伯叔便是弟姪妻子被毆之日即自解衣眼同見證要見被毆之人年若干歲某月某日某時被某人某人用何兇器毆打某處見今某處斜傷長

若干闊若干某處圓傷橫若干圍若干青色紅色有腫無腫曾否皮破骨裂某某見証即照狀式告辜仍即擡被毆之人投遞到官官親相驗登記傷痕限以保辜日期責令兇犯尋醫調理案候在官身死之日即照狀式告檢官照辜狀原供傷痕依法檢驗如被毆不告辜限者除登時打死及在三日之內者姑准檢究外其餘死後告人命者俱以假傷騙詐及自毆誣人論不

准真正人命其辜限之日係隔月者要查大建小建此生死出入之界不可不慎也一人命招情批詳到日即時解任赴檢當場審定即日便具招申如承委官真係有疾及萬不得已事情文到當即具辭以便別委洗冤條令赴檢不許過兩時具招不許過當日可謂至嚴矣以後委官但批到三日不赴檢檢後五日不具招者官以才力不及証考其赴檢日期亦要詳開以便查

核若提問犯人所在州縣關到當日不拘
拘到當日不發者問官即於申呈內明開
占愆踈緩緣由庶罪有所歸不致相累
一獄貴初情謂犯事之始智巧未生情實易
得數審之後買免多方機械雜出是矣須
知初勘者何官果檢驗者掌印正官乎識
見精明乎持法廉正乎鞠獄虛慎乎則初
情乃確案也倘初委佐貳首領陰陽省奈
老人才識昏短而群小輕忽操守卑污而

供招苟且若是而初情寧可貴乎故招情
不厭反覆要以求當而已成案無拘也
一檢驗之時承委官嫌其凶穢皆不近屍又
犯人扭鎖跪棚多不同看惟有屍親作
喝報屍傷或多增分寸或亂報青紅間有
犯人與屍親爭傷而檢官竟不經目止執
一筆為作作謄錄耳及再更檢官再更作
作或暗賣屍格約與雷同分寸或意欲輕
重多增疑似傷痕以致兩檢不同每駁四

五檢者終始未能歸一是死者既以挺刃
喪命於生前又以蒸煑分屍於身後究讐
未雪暴露連年則檢官不慎之罪也以後
掌印正官凡遇人命事情嚴責吏仵眼同
原被干証取四不扶同甘結便湏萬分詳
慎務使情節了然明白此心確然痛快庶
生死兩不含冤亦省後來屢駁屢勘耽延
累歲累苦多人耳

一有致命之處有致命之傷頂心顛門耳根

咽喉心坎腰眼小腹腎囊此速死之處腦
後額角胸膛背後脇肋此必死之處肉青
黑皮破肉綻骨裂腦出血流此致命之傷
致命之傷當速死之處不得過三日當必
死之處不得過十日若當致命之處而傷
輕或極重之傷而非致命之處雖死於限
內當推別情不可一槩坐死

致命重傷當致命要處死於登時或三日
之內原告干証定執某物毆某處只宜於

所毆之處檢驗傷痕既免死者翻屍又免
生者冤誣何者人生一世自少至壯或失
足磕跌或病疾捶按或生瘡被擊或負重
着堅血不流行傷輕與新傷着骨則紅日
久或消重傷與久傷着骨則青終身不散
試將病死之人細一蒸刷果全身一副白
骨則檢驗真足憑信近日問官全不理會
原告證人本說耳根一下打死而渾身檢
驗動數十處傷痕上司以傷痕不對為駁

辭問官增毆打情節為比對有左右傷痕
尺寸青紅不差分毫者如以為毆豈兩手
執一般兇器而對擊乎有昏夜醉後群毆
而定執某人打某處者雖毆者亦不能自
知其所毆之處不能自記其所毆之數而
况證人乎大抵共毆只坐毆人因由檢傷
只重原傷的處慎無刻舟膠柱致有冤情
慎勿含糊摸稜致多駁案
一數批檢問非以求同正謂恐有冤抑相與

平反耳近日承委官員不以人命為重或
恐前官怨恨不敢異同或因犯者富豪不
肯開釋或觀望上官之批語以為從違或
揣寫歷來之成案以了已事如此存心公
耶私耶倘有毫髮冤情其罪重於初審何
者獄情不始於我而死刑實成於我也
天地神明豈無知哉以後委勘人命重事務擇
正直仁厚官員持虛秉公細加鞠審或前
官怨我立異或後官與我不同總付之無

心蓋衆官同勘一事原為此事虛實同勘
一人原為此人生死豈以求媚人求勝人
哉此心不克人品可知矣

一昏夜被殺見証無人及屍無下落者只宜
案候密訪不可妄聽執猜鍛鍊成獄近世
耻無摘伏之明多成附會之罪書曰罪疑
惟輕又曰寧失不經夫以臬陶為士安有
罪疑不經之人何可寧失古人猶過慎如
此吾人未必過臬陶柰何必欲牽合羅織

以成人之死耶人命至重鬼神難欺慎之慎之

一解審多係重情或隆冬盛暑或險路長途或老幼病人或婦人隻身民間疾苦多少難言問官發解止摘緊關且如人命正犯一人屍親一人要緊干証二人或的當一人足矣中間干連徒罪以下及徒罪以下干証及供明人等盡數摘發寧家賊情除正犯外只解失主及寄贓之家其餘別無

要緊若人命除正犯屍親外盜賊除正犯失主外解審過三人者問官之才力可知中間如有情節不盡者招後明白說云除某人係老病某人係輕罪某人係供明不在緊關之數相應免解外今將某某等取問罪犯

一屍親遞攔辭除卑幼於尊長湏要根究明白斟酌准理外其親祖父母之於子孫夫之於妻但遞攔詞免問者果非致命破損

重傷死於當日不必過於搜求即與准理立案備照其人命事情屍親未曾遠出不當年告發而告於一年之外及不係有服之親而苟人訐告及不係正告事情而擊於切思之下開於粘單之中者不問虛實俱不許准理如有妄准以興大獄以擾多人者問官之不肖可知矣

一槩省重囚不下千餘起本司職在伸寃理枉各犯豈無抱屈含寃法當解審恐有疎

虞止據招冊何由得實該州縣衙門既官此地聞聽易真且典其獄審鞫尤便文到之日要將在監重犯自到官日期原發卷案逐一檢閱要見原告初時如何說話後變何詞干證初時如何供稱緣何反覆初覆問官是否賢能有無別故承行吏書會否受賄輕重情辭檢驗傷痕重輕緩急果否致命搜獲贓物顏色分兩果否極真仍提本犯干証失主屍親一一細審仍

於意外拘隣佑鄉甲款款詳推但有矜疑
即將招冊只用簡明畧節逐段苟批務在
得情不厭繁碎完日申呈本司一以見本
官盡心獄事一以見本官才識精明果可
平反即當轉呈或另行駁問或
題請踈枷此有司第一急務也若厭其繁猥止
據成案註一審語其誰不能倘本司細閱
情由與州縣相反而得其實者即將本官
指事誣之下考兩起以上者定行叅降

一近日有等奸民買屍做傷妄告人命訪得
人家新葬問其是女是男多者數十金少
者十數金貪財奸民不顧血屬情願賣與
檢驗自己投作証人又買件作以白礬蘇
木黑礬五倍製造淺淡青紅等傷任口喝
報檢官既不經目即看亦不細察曾有誣
成大獄此係法外之奸故無擬罪之律以
後問官審出真情買屍賣屍俱引開棺見
屍律問以死罪其賣者仍分有服無服卑

戶部律考卷三十一
幼尊長依律定擬決不可止擬誣告徒罪
既不得律意且無以懲大奸也

盜情十款

一地方失盜保甲人等負疎虞之罪快壯人
等懼比較之嚴彼此扶同胡疑妄指即將
平人及曾為竊盜及乞食貧民巧拏恠鄉
異拷嚴鞫手執失單逼之招認不合則捶
楚亂加偶合則令招夥盜既招則狎使同
拏仍照前法榜掠致令展轉相誣甚者授

之口詞使之攀咬夫真賊不苦審固不招
承良民受非刑何所不認然則壯快之言
何可據哉以後快壯拏賊除真盜拒捕曾
毆公差許其打傷不罪外其餘止許綁縛
鎖鑄到官掌印官先驗傷痕如拷打骨肉
有傷者快壯重懲革役有致命重傷者不
分盜之真僞限內身死者許家屬告發定
擬償命

一真盜所招夥盜須差快壯訪拏此輩一執

紅票閭閻所至驚憂賊未獲則攀其旁親
遠族同緝或誣其妻父母舅窩藏索足財
貨酒食仍令遠近跟捉拋家廢業騷擾多
端賊既獲則逼令攀咬富家寄賊盈其谿
壑之求或指受讐人同盜使受馱朴之苦
株連蔓引人人自危及事定告官而昏庸
有司私其快壯仍罪告人深可痛恨以後
快壯訪知真賊所在即稟所在正官同所
在地方保甲同行捕捉所在官不從致令

賊逃者申究但不許牽累以上無干平民
官不嚴禁致令被害之家赴告本司得實
者掌印官以才力不及叅降

鄉約保甲法行家盡在稽掩之中雖備
作乞丐之人動靜出入不能欺同約及一
甲四隣耳目假使平日為盜即當闔約報
官平日善良而被賊攀誣者即當闔約保
救要見某人平日本分生理全無非為某
家某日失盜本人某日在家如虛同罪甘

結到官問官即當存結聽保如後訪得實
而本犯脫逃者保人一例重究仍責緝捕
惟是同約之人皆是盜賊便無可奈何倘
一鄉不為盜豈容一人為盜而百口保之
哉即不敢公許為賊亦不肯公保真賊矣
一賊犯到官便須親審近見幾處掌印官憚
於任事懶於推鞠輒批佐貳首領等官令
之摘詞具獄彼官小而不擔當識庸而不
精細惟快壯為指揮以夾打為上策况審

賊而原捕在旁但聞一語稱冤快壯且喝
且稟甚者恨其反覆討出外面從新拷掠
具招上堂彼數經殘劊已自消魂非係潑
耐之人誰敢堅執辯訴掌印官十九抄其
原供通詳院道如近日祁縣黃典史情未
問真腿已夾折深可痛恨以後掌印官首
不親問只批佐貳者即係極不肖官員無
論有冤無冤以才力不及叅降三次不改
者叅究拏問

風憲約卷三
一掌印官審盜惟在隔別細心查其情狀蓋
真偽之情辭色自別虛捏之語辯問則窮
我多方以辯之則掩護之術不及卒備無
備之言不及會同徃復參錯真情自見至
於隔別之報盜數同賊數同期會同事
跡同即無賊而盜可知矣或言人人殊不
可驟加嚴刑亦當耐心細鞫或設法密訪
人命之疑獄亦然仁人心苦智者識精當
必自有妙法但問刑謂之審具招謂之詳

詳審二字此聖王治獄之精意也今之訊
獄者幸於此兩字留心焉無以夾棍等酷
刑為第一審法則冤獄必少矣

一失主過失狀未必一一皆真譎張者甚多
而貪冒者居半起賊之時快壯通同有將
本人之物勁指為贓者有比照失狀取一
二於典當鋪以作贓者有獲真贓而快壯
先搜其細軟入已者有疑似之物失主記
不真而錯認者有明見可愛之物而妄認

者有厭連累之久而妄認一二贓物殺賊以完已事者有為快壯所逼不得不認者蒼南呂公云余巡海右時有一寡婦被劫獲盜十人搜贓俱在內有女鞋一對快壯過寡婦家謂之曰鞋當有樣從之及縣官審贓寡婦一一俱認問鞋曰我女之鞋也問大小幾何曰有樣索家中樣比之不爽毫髮十人者無一語辯臨刑不數日矣而真盜悉獲真贓悉出十人者乃得釋前贓

蓋十人家物也近日有將良民為盜搜其家黃裙指為失主物者失主認之太原毛通判取當舖黃裙數腰雜置堂上失主莫知所認妄取不一呼良民至則應手而得曰此吾裙也失主無辭而良民遂釋以後有司審贓不可草率但失主贓物無記驗者不可輒坐真贓蓋指一物殺一人可不慎與

一近日盜賊招冊有贓無分毫供稱花費無

存者要見賣與何人須拘何人辯認花費
無存四字豈宜殺人哉至於銀錢雖難辯
識若本極貧之家忽然使用方便要見財
物何處得來情自難掩諺云指賊殺賊如
無賊而稱屈寧舍賊可也

一近日治盜有情未真賊未獲而死於杖下
者有供招未具而死於獄中者招中泛稱
陸續監故天道有知人之子不可獨殺今
後除情真賊真詳允奉決者不拘刑死病

死聽其領埋外其賊狀無指及情節可疑
而死於獄者許屍親告發問官即係昏庸
酷暴輕者叅呈降黜重則定擬故勘平人
之律決不輕縱

一首盜之人不可盡信有首夥盜而誣一二
警人稱為同盜者有本身非盜而受奸人
買瀆假稱首盜妄攀平人者問官傾信其
言盡拘苦審往往搜賊不獲死於嚴刑今
後首賊但有一人不真者審有誣陷別情

不准出首之律仍問死罪

一真盜脫逃拏家屬送監蓋其妻子平日享為盜之利忘勸救之言無首報之舉即使監追亦不為過至於真盜所報夥賊縱使脫逃原無贓物亦將家屬送監已欠分曉甚有將父母兄長送監者古者罪人不孥况尊長乎有將翁壻姑舅送監者彼且忘其骨肉况疎薄乎此皆殃及無辜治獄之惡政也以後攀報在官而贓物無指者但

許察候從容訪拏不許將家屬送監即係真盜脫逃不許拏尊屬遠屬送監倘真盜妻子監死獄中即准抵罪不許更監別屬逼要真賊違者以酷論

一世無窩主則盜無潛踪盜無定在而窩主有定在盜難知而窩主不難知有司肯嚴保甲鄉約之法或行密訪首許之令但拏真正窩主一名者即於本犯名下追銀五十兩充賞自首改過者免罪以後本州縣

窩主別州縣事發者即將窩主所在掌印
官以昏庸叅罷

姦情四款

一姦情原無証見易誣而難明故律稱非姦
所捕獲勿論姦婦有孕罪坐本婦者蓋慎
之也以後凡告姦情即本婦招承亦勿准
安知非本夫逼使騙賴又安知非本婦
問希圖乎且婦女不至有孕即姦亦勿
亦所以全婦女之名節而免凌逼之

性命為人父母不當如是耶若淫奔在逃
及被人捉獲則無詞矣

一強姦不分已成未成致逼婦女自盡身死
指證若真法宜坐抵何者強姦已當問絞
况因姦致死是二辟也何可輕縱若婦人
及年十三歲以上女子姦雖已成而婦女
無恙又不聲說則強和皆未可知有情雖
和而事發激羞因而變怒者有因他事失
好因而拏姦者有因至其室迹不別嫌報

讐貪利而誣姦者至於晦夜不識面目而
止據音聲衣帽得於竊取而指稱奪獲皆
不可草率坐姦以後問官凡婦女以和姦
發覺激羞自盡或被父母本夫毆打因而
自盡身死者逼非姦夫又無威狀難以因
姦威逼致死坐姦夫之罪蓋和姦之罪兩
杖彼姦婦事發逼於別人姦夫自有應得
罪名耳

一上無教化則下無見聞如兄收弟妻弟收

兄嫂及雇工人姦家長妻者於法各死愚
民皆不知也乃有兄弟亡而收其妻謂之
就和父母主婚親戚道喜者世道不明罪
豈專在百姓哉凡遇此等獄情有司自當
審處何人主婚有何證驗仍先將律法徧
曉愚民有改正離異者免究勿聽訐告之
言輕成大獄也

一貧家男女易雜小民名節多輕非若士夫
之家嚴內外以遠別有禮義以養心故愚

民貧民不可遽責以聖賢之道凡決此輩
姦情不可細拘文法當有法外之精意焉

監禁十款

一囚犯奉有決單自當明正典刑是以未決
之先貧者有囚糧病者有醫藥夏則灑掃
以防瘟冬常溫煖以禦寒

聖王豈不知其人之當誅哉以為既有臨時之
死且延一日之生故曲加體悉如此耳近
日有司踈於治獄有獄卒要索不遂凌虐

致死者有讐家買求獄卒設計致死者有
夥盜通同獄卒致死首犯以滅口者有獄
霸放債逞兇滿監盡其驅使專利坑貧因
而致死者有無錢通賄斷其供給有病不
報待其垂死而通病呈或死後而補病呈
者倘係真情罪當之囚瘦死猶可中間有
抱冤待辯之人株連未結之罪一槩死於
獄中所傷天理不細以後獄囚有病先取
囚親告治結狀調治不痊後取屍親告領

結狀一併粘連申詳本司方准開除無親人者以里長甲首隣佑代之其強盜失迷鄉貫原無親族里長者取刑房吏告治病呈及醫生病案粘申如無以凌虐罪囚論一有司錢糧原不寬綽若囚糧一槩全給豈能人人均沾年年常繼今擬分為三等除罪大惡極死有餘辜者不准給家不甚貧有人供應者不准給外有情稍輕而家極貧或無家供應者給與全糧情稍輕而家

次貧日用不足者給與半糧至於新獲賊盜真假未分果無供給亦當有處若監故未成之囚甚於奉單之罪倘被告發定擬故勘

一一朝之忿斃人於頃刻百年之悔無由而改圖此等死囚情猶可憫有一入獄而父母妻子不復得見者有送飯到而不知誰接誰食者昔人有念囚無嗣不禁妻之出入而令其有子者此雖不可為常至於應

聽家人入視而不聽律有明條今三法司
重囚每月令家屬一對面任從談叙家常
待其辭畢方許收監婦人臨決將產滿月
而後行刑

聖王仁及囹圄蓋如此有司若懷泣罪之心行
哀矜之政使法不踈縱而情不鬱抑豈患
無術哉第恐念不及此耳

一有司習於故套拘攝人犯動送監倉不知
一人在禁一家憂忙或有老親而無妻室

者或有少婦而無子姪者或家貧路遠不
能供給者或家有病人或身自抱病者或
冬寒而身無綿衣者或空手枵腹無錢打
點牢獄者即使其人當死亦應曲體其心
况於輕小事情豈宜泛繫之獄為民父母
亟宜念茲各該府州衛縣衙門除死罪及
充軍擢站人犯及入官還官贓物俱應收
禁追比外其有力徒罪及杖一百以下贖
決等犯止令干証保領聽其寧家贖辦限

期完納雖係院司各道紙贖俱不許倉拘
正犯及濫將家屬監追違者列之下考致
有獄死者以酷刑叅究罷斥

一監倉二簿只宜掌印官一本其佐貳首領
官應送監倉犯人俱要稟白堂上同簿附
名掌印官每遇稟日便將二簿查閱一遍
某人某日監倉有無得所應否釋放何以
處分往見一縣令懶於問辭輕於聽信拘
到人犯皂快稟收監倉即收監倉佐貳首

領各有監倉簿籍要送監倉即送監倉甚
者監倉皆滿而送之冷鋪者有燈節醉爭
至除日猶繫獄者錄二簿經年不一過目
吏卒因循不肯稟白甚者催比錢糧花戶
坐倉以數百不知令何人鞫辦也吁可恨
哉賢有司試一思之

一婦人非犯死罪切無繫獄非犯姦情及不
孝應出為舅姑夫男所訟切勿拘喚蓋男
女有別廉耻為重皂快一拘婦人無窮之

利婦人一入公門無限之辱拘摸戲狎無所不至有因之而喪名節者居官誰無婦女豈應獨忽民情至於死罪婦人徃徃為獄中吏卒所占此最難防須時時密察而重懲之

一七十以上老人十五以下小兒及身有疾病家有新喪者不係勘合及重犯不許輒送監倉

一監中墻屋破壞有司即申呈合干上司估

計修理仍須蓋病房一處凡遇一囚瘟疾即送病房調理毋令傳染

一司獄官刑房吏禁子等役不稟白掌印官而擅打監倉人犯者拏問重治

一反獄越獄惟強盜為然而夜防尤要近日有司常不下監牢頭禁卒日久情熟安常心急夜間囚犯既不入櫃床又不上鎖鏢彼賊無一念生理心懷百計脫逃虎兇出櫃非掌印官之過與若使手足不得利便

精力不得壯強出不測而夜查監牢遇一
踈而重懲典守時刻兢兢豈有反獄越獄
之變哉以後但有踈虞有司定照條格重
究

聽訟

十二款

一民間苦事莫甚於株連健訟刁民往往二
詞牽告三二十人報讐網利中間緊關犯
証十無二三此等奸頑豈宜聽信各掌印
官凡遇受詞日期俱要當堂審問無干者

即與勾除毋得一槩發房出票累苦小民
一勾攝犯人動差皂快此庸吏之套習竇小
民之大殃也近日革弊愛民之官多用原
告自拘夫兩讐相見勢必起爭妄稱抗違
以激官怒亦有添差地方保伍同拘者此
是換名之皂快需求凌虐與皂快同至於
原告係是婦人自拘尤為不便若止以原
狀或紅票付告人令其適與干証干証持
之呼喚被告約會同來果係冤誣聽從被

告訴狀至日同理則干証者事內之人畢竟不免到官彼若有所需求自是有人買囑亦不特勾攝之勢矣是間閭省一皂快之害而公堂餘一差遣之人也賢者試一思之

一上司批詞果係徒罪以上方許差人勾攝凡公差勾攝往反百里者不得限過三日若第五日不投到者計日加責仍問犯人

有無需索凌虐七字其有無二字令犯人自填聽審之時執進庶限近不得久行吞噬防嚴不得大肆貪殘即不能盡革奸弊然省一分一分受賜省一人一人免害矣一皂快拘人到城引領相識飯店任情破費酒食招包娼婦心滿意足纔來投到或妄稟人犯不齊或指稱關卷未到有司不察或令各討保人或令原差帶押甚者掛搭輪押經年累月放趙甲而留錢乙賣正犯

風俗紀原卷之六
二十六
而拘家屬種種擾民皆問官惰慢之罪以
後詞訟無論難易拘究但過三月不結者
問官以才力不及註考

一吏書騷擾科索全憑牌票有司硃押牌票
多不經心彼或乘忙倦之時或當微暖之
會便將一二百張口稱未完前件用印判
日中間言語輕重任其亂寫事體緩急任
其報票紅單一出打點即來遂意則將票
停閣不足則再三寫催有司信實何曾查

某事曾催幾次某票有無回銷哉監司騷
擾郡邑守令騷擾閭閻此居其半掌印官
將一切前件到日分急中緩三等為三袖
摺責令該房自限某事何日可完即註摺
上難完者許其稟官易完者照限督催分
別既明方准出票有司每日看摺勾銷前
件一事完即勾一事違限者計日加責是
官斧而吏鑿也彼且辦事之不暇而何暇
愚我以行私哉

一問事以投到先後為序不許吏書以受財多寡為後先但本日投到者本日即問雖極忙不得過二日其狀內情節罪名未問之先預為料理一問之後即時盡供當堂分付某人應徒幾年某人應杖幾十審力有無填寫印票無力者即時杖釋有力者令其自限何日完納即將發落單票付與干証令其催納如果難完干証至日改限盖干証住居多與犯人相近押保催納最

為便宜不猶愈於皂快乎

一凡審賊審力先看犯人力量如果力量不堪于証不肯保押者多係貧難棍徒入官給主之贓不宜多坐仍不宜逼認有力以致追迫太苦前件難完上下俱不便也一律有五答之罪世豈無犯答之人近日問官全不引用答律只用不應得為而為又只用事理重者至於下不合二字全不照管律條如鬪毆傍人則曰不合不行勸阻

徒夫在逃則曰不合鎖押乞食招如此類甚多皆是律外生法科索無罪以後律條無罪而妄下不合字樣及有應得罪名輒用不應得為而為事理重者不分批詞自理俱以違

制濫科先拏承行吏書問官另議

一允問事畢係申詳上司者除擺站以上拘禁候詳發落外其餘即日釋放止令歇家報名聽候詳允之日將發落單票給與歇

家轉付干証討限完納不許一槩羈留其事在別州縣者移文別州縣催納實收即令申繳如有違延者許問事衙門呈究一犯人發驛原為工作如京師炒鐵運炭之類近日恐其逃走止令押鎖乞食甚失本意以後徒罪人等有做一切官工者官給飯食一日准一日自備飯食一日准二日有情願驛中奔走効勞者與做工同申准原批司道折限滿日釋放

一發配名輕於充軍而實等於死罪彼慣奸積猾或買免驛吏或挾制驛丞或尋情囑托公然在家覓人點站不待言矣其窮苦老疾及家中無供之人乞食不前坐卧濕地或官吏要索橫肆凌虐至於傷命只報相埋情甚可恨近日問官有因誣告人杖罪加三等而入於徒者誣告死罪未決何以加焉此泥於法而不達於理者其官之才識可知驛官如遇病囚即申州縣調理

或掌印官驗明姑令保放調養或收入州縣調養病痊照日補役但有不呈州縣而報死者該驛官吏以凌虐致死提問罷斥果係別情者定擬抵罪

革前應赦罪犯被人告發者或財物當給主或地宅當還人依律處斷重加責治可矣近見各衙門徃徃以萬歷十年以前事犯換罪而吏犯赦前過名依舊降格甚悖明詔問刑衙門不可不知

用刑 四款

衙門刑具載在律條其數有六笞杖訊枷
杻鐐無論笞杖即訊亦彌為極重矣大頭
止徑四分五釐其用止於重罪不服其法
止於臀腿分受至於笞杖止加於臀而已
不及腿也近日各衙門用重大竹筴不去
稜節聽從惡卒任責腿灣多者三五十或
內潰割肉或筋傷殘廢此惟法司懲創極
惡大奸百一用之郡邑職在牧民常刑當

如是耶但竹筴通行已久不能遽革以肆
奸頑亦當分為輕重三等每板臀腿分受
十板以上兩腿分受何處非肌膚何肌膚
不痛楚而必欲殘民以逞哉如不係極惡
大奸萬民所恨而仍前槩用重大及數多
加力又叢於一處擅及於腿灣者無問曾
否傷人定以酷刑叅罷

一枷有三等死罪重不過二十五斤徒流二
十斤杖十五斤夫枷非令負重止書罪名

於上彌令示衆而已故曰枷彌至於一百斤一百二十斤大枷於例雖有用亦不常今後各府州縣百斤重枷不得輕用應枷彌者照律置為三等不許一槩輒用大枷違者以違

制論

一人身之用手居其九若懼有疎虞大鑱嚴鎖牢絆兩足可矣至於木杻非死罪男子始用充軍以下例不械其兩手念人情之

便也婦人雖死罪不杻謂飲食便溺不可托之他人重男女之別也以後各有司衙門非犯死罪男子不得一槩用杻以傷朝廷體悉人情至意

一夾棍扛子腦繩拶指橫板原非應有刑具近日問官有心不精細性不耐煩者盜不分強竊人命不分真偽一入衙門尺靠夾拶酷烈之狀不可盡述以後衆証明白事情端的而展轉不肯招承者間用此等刑

具夾不得過一次扛不得過三十椽指不
得對面頭夾椽不得過二時腦箍定不許
用如違不分有無傷人定以酷刑署考情
董者叅究拏問

狀式 揭帖輩除鄉約保甲公報外
其餘俱不許准行以滋擾害

古者以金矢聽辭皆懸式於象魏不者有
誅惡無情也邇刁風日甚狀中叙事僅數
語而形容彼罪張大我冤常居十六冀駭
聞一受耳不知波及蔓引則無辜者為殃

此多贖之藉而小民之憂也今定為式各
衙門一體遵行倘違式濫准官可知矣

凡各府州縣受詞衙門責令代書人等俱照
後式填寫如不合式者將代書人重責枷
錮兩告不許准理

人命告辜式 不許多報一處不立可妄增一分違者看明
重究路遠告辜不得過五日

本縣某里某人為毆傷事有某 父伯叔姪
兄弟妻子 年若

干歲本月某日某時與某人為某事 多不過
四字

相爭被某執拏 磚石金刃也
物或用拳脚 將某 父伯叔姪
兄弟妻子 頂心打

有斜傷一處紅色長若干闊若干耳根打
有圓傷一處青色骨破圍若干橫若干見
今不着床某人某人見証為此擡扶到官伏
乞相看案候保辜責令本犯尋醫調治上
告

人命告檢式

本縣某里某人為人命事某月某日有某
父伯叔姪兄弟等被某人毆打傷重某醫調治不痊至
某日某時身死除傷痕已經報官案候外

伏乞檢驗施行上告

告盜情狀式

不許多問一物不許少開多報違者重究仍不准理

某州某縣人某人為盜情事某月日 更

時分不知名強盜約有幾名各持兇器劫

某房暗偷出或打開門將某物某物若

若干件係甚花樣銀錢若干數整錠散碎或

或輪姦保甲人等俱來救護或追趕不前

伏乞案候嚴拏上告

告辯盜狀式

某府州縣某人為辯冤事某平日作何生理原因某事不與見獲賊犯某人有讐某人某人知證某日某夜某實在某處何幹某人某人見證今被某賊攀誣同盜况某見在某鄉約保甲管教乞批本約查訪平日果否非為容其保救庶不苦死黑獄上告

告姦情狀式

某府某縣某人為姦情事財娶到妻某氏

或姝某名年若干歲被某人誘姦日久拐到某地方潛任或云強姦不從見打劉某處傷痕或強姦已成見扯破何衣奪下何物氏喊叫何人聽証或不堪羞忿某日某時自縊投井身死某人某人証上告

告打詐狀式

某府州縣某人為打詐事某月日某人某人指稱衙門將某指挈盜情住指何情由用何兇器在於某處拷打且有某傷詐去財物若干某人某人證上止

告地土狀式

田宅司志過十年者不准

某府某縣人某人為地土事某年月同中
某人某人買到某人疆地若干價錢若干
紀經過割被某人侵占自量得幾十幾畝
幾分幾釐隣佑某人某人證上告

告婚姻狀式

割襟換帽原無聘禮者不准

某府某縣人為婚姻事某年月日同媒某
人將第幾男某人用財禮或聘禮若干定
某人第幾女小名為妻一向未曾行禮幾次至

某月日不行知會用某人某人為媒改定

與某人為妻未曾成婚上告

告賭博狀式自告者不准

某府某縣某人為賭博事某月日某人某
人幫某子孫姪陸續贏去錢若干物若干賣
房地若干某人開場見奪攤場某物上告

告凌奪狀式孤幼被人凌奪同此式

某府某縣某人為凌奪事氏某年月喪夫
有子女遺下房若干地若干頭畜若干情願

守節被某伯叔上門打幾次罵幾次奪賣
某物又將氏暗許某人強來逼取某人某
人證上告

告保盜狀式

不在鄉約保甲者即係奸民犯盜不准保救

某府某縣鄉約保甲隣佑某人等共 百

十 人為冤枉事本約幾甲某人平日
作何生理本分善良並無非為等事委因
與某有讐或係快壯某人詐財唆咬伏乞
審明保在倘有徇情懼惡妄保真賊者事

發某等同罪脫逃某等訪拏結狀情願入
招粘卷兩保是實上告

告貪污狀式

某府州縣某人為貪污事某年月日為何
緣故被某官某人索某物若干某人過付
可審上告

告故勘狀式

某府州縣某人為故勘事某年月日被某
吏挾讐詐財故將某人拘拏監打禁身死指

某人証上告

告科斂狀式

某府州縣某人為科斂事某年月日被

官或中軍千把總旗牌千百隊長某人某

地方保甲約正副講史里老連年人指稱何項名色科派某人某人物若干

某人審證上告

告侵欺狀式

某府州縣某人為侵欺事某年月日被

斗級大頭某人收掌某項物銀某人侵盜或於

內侵欺若干指某人某簿審證上告

告賣軍狀式

某府州縣某人為賣軍事某年月日被兵

房書某人將某衛巡軍某人受銀若干隱

匿不解却將隔里平人妄拿頂解指某人

與軍黃冊證上告

告飛軍狀式

某府州縣某人為飛軍事某年造寫軍冊

被某里書某人受某都某衛軍人某人

銀貨若干將軍以同姓飛入本里見今將其
拘拏指某年軍冊證上告

告包攬狀式

某驛馬戶某人為包攬事某年月日被本
驛積年把持驛遞某人包攬某人馬騾故
不走差指某人與差簿證上告

告窩訪狀式

某府州縣某人為窩訪事被某人專一纂
捏無影事蹟交結訪事人後某年月日挾

騙某人銀物若干指憑某人證上告

告土豪狀式

某府州縣某人為土豪事某年月日有某

缺食用向其借銀若干于兩羔利過本幾倍伊

將某私家拷打逼將妻妾子女准折指某

人證上告

告財產狀式

某府州縣某人為財產事其祖父某故遺下

房幾所地若干於私資本銀應該某與某叔伯

或照枝派均分今某某倚恃尊長盡行霸去不分指遺約或親隣某人證上告

告錢債狀式

某府州縣某人為錢債事某人因缺用於某年月日向某借去銀若干兩加三出利指中人某人并借約證今某人至今幾年本利分文不還或止還本利若干尚欠若干屢討延調不與上告

告欺害狀式

某府州縣某人為欺害事被某與某素有某隙今某倚恃豪強於某月日將某無故羅毆指某人證又至某月日暗將某成熟田苗用棍樸倒約有幾畝上告

告唆誣狀式

某府州縣某人為唆誣事某里某人與某或地土相爭以此結讐指某人證今某或因酒醉互嚷事犯被某唆某將某掛告同盜賊或因人命盜乞准審豁上告

告詭隱狀式

某府州縣某人為詭隱事被某里某人將
自己地土詭寄若干欺隱減解避扣重差額糧某人或黃
冊證上告

告抗糧狀式

某府州縣某人為抗糧事某人見種地若
干糧石至今升合不納致某受比乞准拘
究仍將揭過銀兩責令本犯起利上告
告重收狀式

某府州縣某人為重收事庫吏某人徵收
某項錢糧不遵部司法馬大等高稱每兩
加耗若干某人某人證上告



原書卷之三

五



大
學
高
級
學
校
教
師
培
訓
班
第
一
期
學
生
名
單

